

Maximilian der Aender/von Gottes gnaden Erwelter Römischer Kayser/
zu allenzeiten Herrscher des Reichs/xc.

Wesamer Geistlicher lieber Andacht Als in der bissher geschwebten Kriegs Expedition wider den Erbfeindt den Türcken/ ein beschwerliche Verhinderung vnd Mangl erschienen/ das man zu der Geschütz vnd Munition fuer / in Vnsern Nider Osterreichischen Landen/ vnangesehen der beschnehen Anschlag vnd erforderungen/ mit die nottürfftig Anzahl Ross vnd Wagen/ vnd auch zu keiner rechten zeit bekommen mögen/ In dem vnder andern für ein Ursach fürkommen/ Als ob ain Theil oder Parthey für die ander/ in berürtem Anschlag/ so dazumal/ nach dem gewesnen gefährlichen Standt des Kriegswesens in grosser Eyl beschehen müssen/ beschwerdt sey worden/ Vnd damit aber solcher fürgegebenen beschwerung abgeholfen/ vnd Wir vns zu schutz vnd rettung Vnserer getrewen Landt vnd Leuth/ in künfftiger weiterer fürfallenden Kriegsnot/ einer gewissen anzahl Wagenross vnd Wagen zu angeregter Geschütz vnd Munition fuer/ in ermeldten vnsern Nider Osterreichischen so wol/ als in andern vnsern Landen/ versehen vnd Vns eigentlich darauff verlassen mögen / So haben Wir demnach / nach vorgeunder nottürfftiger erkündigung aller der Geistlichen / Auch der Stet vnd Märckt/ Einlagen ihrer Jährlicher Einkommen vnd Nutzungen/ dann auch der gemainen Erbarsholden in ermelten vnsern Nider Osterreichischen Landen/ vermögens vnd versteuerung ihrer Güeter/ einen Newen/ vnbeschwerlichen vnd trewlichen Anschlag machen lassen/ In welchem sich befindet/ das *du* zu *domen* thail *dreis* - Wagen Ross/ vnd *—* Wagen/ sampt *—* fl. *—* s. *—* hülffgelt/ zu einer andern Wagen fuer/ zu laisten schuldig *biß* - Darauff ist vnser genediger auch ernstlicher Beuelch an *dir* das *du* mit solcher angeschlagnen gebürnuß/ auffß best vnd tauglichist/ als es hierzu von nöthen/ dermassen zeitlich in guete wirkliche beratschafft *richtig* vnd allerdings gefast *maße* Also / wann *du* die verkündigung der zeit vnd Malstat / durch Vns oder vnserer Verordnete Nider Osterreichischen Camer Käht zu kumbt / das *du* mehrbemeldte angeschlagne gebürnuß mit aller nottürfftigen zugehörung / vnuerzüglich vnd ohne ainiche entschuldigung daselbshin abzufertigen vnd zu stellen *habst* vnd anderst nit *huest* / Das mainen wir Ernstlich/ Geben in vnser Statt Wienn den Zehenden tag Monats Februarij/ Anno/ *ix*. im Sibendsechzigsten/ Vnsrer Reiche des Römischen im Fünfften/ des Hungerischen im Vierdten/ vnd des Bhemischen im Achzehenden.

Commissio Dñi Electi Impera-
toris in consilio Camera.

So. Zoppe in fons J
Angen

W. v. ...
La. v. ...

app. ...

